

KUĆNI RED

(podsjetnik za učenike, roditelje, razrednike i odjeljske zajednice)

Dragi roditelji, svi želimo da nam vrijeme provedeno u školi bude što ugodnije, ljepše. Da bi smo to ostvarili potrebno je da se svi zajedno ponašamo odgovorno i primjereno. Evo nekoliko osnovnih pravila:

- Radi organizovanog i bezbjednog ulaženja u školsku zgradu potrebno je u 7.50 (i za druge dvije smjene radi se o deset minuta prije početka nastave) formirati redove po odjeljenjima (jedan po jedan učenik) i tako ulaziti u školu iza nastavnika kod kojeg je prvi čas.
- Za penjanje na galeriju koristi se desno stepenište a za silaženje lijevo – o tome postoje na zidovima i vizuelne upute.
- Ne zadržavati se bez potrebe po holu i hodnicima, dvorištu i sportskim terenima, naročito u vrijeme trajanja nastave i nakon nje, ukoliko nije u pitanju neka organizovana aktivnost.
- Zvono za početak časa svi učenici treba da dočekaju u svojim klupama. Ulaženje nakon zvona, a naročito nakon nastavnika smatra se nepoštovanjem Kućnog reda.
- Korištenje WC-a predviđeno je samo za vrijeme odmora, uz vođenje računa o primjerenoj upotrebi i održavanju čistoće.
- Izlaženje iz učionice za vrijeme časa dozvoljeno je samo u izuzetnim situacijama (kao što je bolest) i to u pratnji nastavnika.
- U toku nastave i na odmorima učenici ne mogu napuštati krug škole.
- Užinu redar donosi 5-10 minuta pred kraj trećeg časa a korisnici je uzimaju tek nakon zvona, prilikom izlaska iz učionice. Užina se jede isključivo na VELIKOM odmoru (to se odnosi i na učenike koji užinu sami kupuju u bifeu).
- O tome da li će se veliki odmor koristiti u HOLU ili u DVORIŠTU odlučuje dežurni nastavnik na osnovu vremenskih prilika.
- Za vrijeme velikog odmora, bilo da se koristi u holu ili u dvorištu, treba izbjegavati trčanje, guranje i grube igre a otpatke bacati na za to predviđena mjesta.
- Na prvo zvono treba se svrstati na isti način kao prije prvog časa. Nastavnik koji ima čas nakon velikog odmora uvodi određeni razred u svoj kabinet (učionicu).
- Ako se veliki odmor koristi u holu, učenici od I do IV razreda ne izlaze iz učionica osim zbog korištenja WC-a, i to u pratnji učitelja ili dežurnog nastavnika.

- WC u hodniku gdje prvačići imaju učionicu (kod kabineta pedagoga) ne mogu koristiti učenici od V do VIII (IX) razreda.
- Ukoliko neka odrasla osoba uđe za vrijeme časa u kabinet(učionicu) i kada iz nje izlazi, učenici ga pozdravljaju SAMO ustajanjem.
- Sve zaposlenike škole učenici i roditelji, i u školi i van nje, pozdravljaju na isti, primjeren način, bez obzira koji posao u školi obavljaju.
- Nije dozvoljeno u školu unostiti nikakve predmete koji tog dana nisu potrebni za nastavu, što se naročito odnosi na predmete koji mogu povrijediti i na mobitele.
- U holu postoji telefonska govornica koju učenici, uz kupljenu karticu, mogu koristiti za eventualne neophodne kontakte sa roditeljima.
- Svako oštećivanje školske imovine, unutrašnjih i vanjskih zidova, prozora, higijenskih prostorija, igrališta i zelenih površina predviđa zakonom propisane posljedice.
- Učenici i njihovi roditelji, kao i svi zaposleni u školi dužni su dolaziti PRISTOJNO odjeveni, u skladu sa propisanim kodeksom. Preuska odjeća neprimjerene dužine i izreza, prejaka šminka (za djevojčice), atletske majice i hlače iznad koljena (za dječake), prljava obuća i odjeća te neprimjereni simboli, daju nastavnicima za pravo da učenike odstrane iz školske zgrade.

Učenici koji se učestalo budu ponašali u suprotnosti sa odredbama Kućnog reda, kao i njihovi roditelji, snosiće posljedice propisane Zakonom i Pravilima škole.

Isto tako, učenici i odjeljske zajednice koji se istaknu u poštovanju Kućnog reda, biće javno pohvaljeni.

Ovaj kućni red treba da je istaknut u svakoj učionici/kabinetu, a na njegov sadržaj treba podsjetiti roditelje i učenike na početku svake školske godine.

DIREKTOR:
Ševal Dudević